

Broj: 101-556/17
Datum: 25.04.2017. godina

Na osnovu člana 50. Statuta Radiotelevizije Bosne i Hercegovine, člana 70. stav (1), (2) i (3), člana 71. stav (1) i (2) Zakona o javnim nabavkama Bosne i Hercegovine ("Službeni glasnik BiH" broj 39/2014) i člana 200. Zakona o upravnom postupku Federacije Bosne i Hercegovine ("Službene novine Federacije BiH broj 2/98), a na prijedlog Komisije za javne nabavke ugovornog organa Radiotelevizije Bosne i Hercegovine, donosim

O D L U K U

kojom se prethodna Odluka o izboru najpovoljnije ponude br. 101-501/17 od 13.04.2017. godine, kao i Izvještaj Komisije za javne nabavke br. 107-188/JN/OE od 12.04.2017. godine stavljaju van snage i **USVAJA SE** žalba Žalitelja **REVIZIJA REVITA d.o.o. iz Cazina** br. 51-Ž/17 od 20.04.2017. godine, te se za najpovoljnijeg ponuđača za **pružanje usluga revizije finansijskog i marketing poslovanja ugovornog organa Radiotelevizije Bosne i Hercegovine za 2016. godinu** proglašava ponuđač **REVIZIJA REVITA d.o.o. iz Cazina**.

O b r a z l o ž e n j e

Na temelju Odluke generalnog direktora ugovornog organa Radiotelevizije Bosne i Hercegovine br. **101-317/17 od 10.03.2017. godine** Komisija za javne nabavke je pokrenula proceduru po otvorenom postupku nabavke koji za predmet nabavke ima **pružanje usluga revizije finansijskog i marketing poslovanja ugovornog organa Radiotelevizije Bosne i Hercegovine za 2016. godinu**.

Na predmetni otvoreni postupak, objavljen **15.03.2017. godine** pod brojem **113-1-2-7-3-21/17** na portalu javnih nabavki www.ejn.gov.ba, u skladu sa članom 25. Zakona o javnim nabavkama Bosne i Hercegovine ponude su dostavili dva ponuđača i to:

- **GRANT THORNTON d.o.o. – Banjaluka** KM 11.700,00
- **REVIZIJA REVITA d.o.o. – Cazin** KM 10.530,00

Provjerom valjanosti primljenih ponuda Komisija je prvobitno, Izvještajem br. **107-188/JN/OE od 12.04.2017. godine**, ustanovila da je ponuda ponuđača **Grant Thornton** u potpunosti pravno, tehnički i ekonomski validna, u skladu sa zahtjevima navedenim u tenderskoj dokumentaciji i Zakonom o javnim nabavkama Bosne i Hercegovine, dok ponuđač **Revizija Revita**, također po prvobitnom nalazu Komisije, nije dostavio ponudu u skladu sa trenutno važećom Tarifom revizorskih usluga u Federaciji Bosne i Hercegovine, jer je, prema Izvještaju Komisije, ponudio cijenu nižu od one koja je propisana predmetnom Tarifom.

Ponuđači koji su aplicirali na predmetnom tenderu o odluci ugovornog organa informirani su pismenim putem (e-mail porukom), uz dostavljanje relevantne dokumentacije o izboru najpovoljnije ponude, u srijedu, 19. aprila 2017. godine.

Ponuđač **REVIZIJA REVITA d.o.o. iz Cazina** je uložio Žalbu ugovornom organu pod brojem **51-Ž/17** na Odluku o izboru najpovoljnijeg ponuđača. Žalba je e-mailom zaprimljena u prostorijama ugovornog organa 20.04.2017. godine, a original u ponedjeljak, 24.04.2017. godine.

Uvidom u žalbu Komisija ugovornog organa je utvrdila da je ista podnijeta u roku definiranom članom 101. stav (1) tačka d) Zakona, te da je dopuštena i izjavljena od ovlaštene osobe. Komisija je također, razmatrajući predmetnu žalbu, ustanovila da je ona u cjelosti osnovana.

Žalitelj je u predmetnoj žalbi naveo da je ugovorni organ izvršio povredu Zakona na štetu Žalitelja zbog činjenice da je, prilikom donošenja Odluke, propustio utvrditi da je Žalitelj ponudio cijenu koja je u skladu sa članom 1. stav 4., odnosno članom 2. stav 2., 3., 4. i 5. Tarife revizorskih usluga. Naime, po mišljenju Žalitelja, Komisija ugovornog organa je, dakle, propustila utvrditi da je, na osnovu kriterija iz člana 2. stav 2. Tarife revizorskih usluga, a temeljem podataka iz finansijskih izvještaja obveznika revizije na dan 31.12.2015. godine, ukupan broj bodova koje ima ugovorni organ prema Tarifi, 3.842,70, što spada u kategoriju prema kojoj je najniža naknada za obavljenje revizije KM 9.000,00 bez PDV-a.

Odlučujući po navedenoj žalbi Komisija je utvrdila da je Žalitelj dokazao da ugovorni organ, iz takvog pogrešno utvrđenog stanja, nije prvobitno pravilno utvrdio ponuđenu cijenu Žalitelja, te je došla do saznanja **da je temelj za obračun najniže naknade za reviziju finansijskih izvještaja obveznika revizije za tekuću godinu finansijski izvještaj na dan 31.12. prethodne godine.** U konkretnom slučaju **temelj za obračun cijene ugovornog organa za reviziju finansijskih i marketing izvještaja za 2016. godinu je finansijski izvještaj na dan 31.12.2015. godine.** Prema podacima iz tog finansijskog izvještaja ugovorni organ ima 3.842,70 bodova, što spada u kategoriju najniže cijene u iznosu od 9.000,00 KM bez PDV-a, odnosno 10.530,00 sa uračunatim PDV-om.

Uzimajući u obzir obje primljene ponude kao validne, Komisija je izvršila reviziju izvještaja od 12.04.2017. godine, te je ponovo izvršila odabir najpovoljnijeg ponuđača za pružanje usluga revizije finansijskih i marketing izvještaja ugovornog organa Radiotelevizije Bosne i Hercegovine za 2016. godinu.

Na temelju svega navedenog ugovorni organ Radiotelevizija Bosne i Hercegovine odlučio je kao u dispozitivu ove Odluke.

Pouka o pravnom lijeku

Protiv ove Odluke dopuštena je žalba ugovornom organu, kao prvostepenoj instanci u postupku, u roku od 10 dana od dana prijema iste u pisanoj formi, a u skladu sa članom 101. stav (1) tačka d) Zakona o javnim nabavkama Bosne i Hercegovine.



Objavljen:

**Generalni direktor BHRT-a
Belmin Karamehmedović**

Dostaviti:

- Grant Thornton d.o.o. Banjaluka
- Revizija Recita d.o.o. Cazin
- Arhiva